



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

B. Franciscus Borgia porcum gerit.

[urn:nbn:de:hbz:466:1-70444](#)

„ Iam capite toto prode quid gestaueris,
 „ Et prode veste totâ: in opprobrium tui
 „ Pudoris & ruboris, i, nunc albica.

Hæc ille victor: retroactus ilicet
 Miser cucullus factus effusi fuit
 Noua lactis huius hydria; Adolphus suo
 Repente socio discolor totus, fuit
 Canis verendus factus in vestigio,
 Adeò capillos tinxerat lac impluens.
 Quid cogitasse crederetis filios
 Hoc Patris ausu? quid petulcos affeclas?
 Fôrs erubuerint, fleuerintve, riserintve;
 Abiere. Rediit candidatus ad suos
 Adolphus; illum Ianitor vix agnitus
 Vix dicit intro, tam colore disparem.
 Adolphe viue, viue nobilissimâ,
 Illustris Heros, hac tui victoriâ,
 Adolphe dignâ te, & tuae vestis Patre, &
 Patre tam beato tam beatis filiis.
 Næ viator ille est, qui pudorem, qui metum
 Abire iussit exules, vt se Deo
 Proprius dicaret, & sacraret sanctius.

B. Franciscus de Borgiâ porcum gerit.

Ex Virtu, lib. 4. cap. 1.

DVM luculentus est mihi focus domi,
 Quid est necessum poscere è viciniâ?
FRANCISCVS etiam magnus heros BORGIA,
 Orbique notus Hesperi, dux Gandiae,
 Idemque Pro-rex nobilis Valentiae,

Omnia perosus angue peius & cane
Lutosa rerum sœculique commoda,
Sociis Iesu Patribus nomen dedit.

Hic iam per aliquot se sibi & suis probè
Probarat annos, quando missu IGNATII
Lustrare iussus Lusitanæ plagas,
Auctoritate maximâ, lustrat, monet,
Solatur, animat, carpit, emendat, docet.

„ Opere docetur plenius, quam pulpite;
„ Iubetque validè, quisquis exemplo iubet;
„ Lingua validior est manus: & hinc Borgia
Laboriosa, despicata, vilia
Aggressus opera, sic facem præit suis,
Nunc fodere lætus, nunc olentes fœtido
Efferre sordes vehiculo promptissimus;
Iam vile cinetus supparum, pingues lauat
Procuruus ollas, seminudus brachia,
Tenaciorem rodit aruinam manu.
Iamque ibat aliis præpeditis clauiger,
Se Ianitori ianitorem subrogans;
Audire nolam facilis ostiariam,
Ibat, redibat: nunc egenis diuidens,
Et hos & illos alloquens, ut res dabat.

Sed en feribat pulsus insolens fores,
„ (Etenim vetusto iure semper Gentium,
„ Quicumque gestat dona, iuris hoc habet,
„ Portam ut potenter feriat atque referiat)
Crepitaculumque clamitando tinnulum,
Sono sonabat crebriore grandius.
Volat repente Borgia: sic tamen volat,
Laudata gressus ut regat modestia.

Vbi porta patuit, en suem oblatum in stipem
Am-

Ambustum, obesum, euisceratum conspicit.
Quid faciat? aberant qui suem inferrent domū.
Flocci ergo pendens, ec quis & quantus foret,
Vir id senectæ, id muneris, lubens huic
Se subdit oneri: tollit eneclæ suis.
Antica crura, lentiusque conicit
Ambos in humeros, hæc dein percommode
Decussat ante pectus; occisi caput
Et ora porci prominent instar mitræ,
Dissectus illi venter exornat latus
Vtrumque, ritu Principalis cycladis:
Postica caudâ sordidam verrunt humum.

Regressus intrò sarcinam bellam gerit,
Et neque pudori, nec labori, nec suæ
Vesti ille parcit; hæc crux & vnguine
Adipata sordet: sudor illicet grauis
Fluit ore toto, vi laboris improbi.
Pudoris hilum vultui prodit minus,
Quam si per agros palliatus ambulet.
Et inambulasset in suillo hoc pallio
Gratanter vrbis vniuersæ compita,
Cælo vt placeret, & studeret proximo,
Si sic iuberent, queis iubere dat Deus.

„spiriosus in culinam dissitam
Vt e tandem lætus. Hoc spectaculo
Corous in stuporem rapitur, ac impos sui
” Tres data verba truncat: Ecquid conspicor
” Mi Parer, & vnde, & quomodo, & cur hoc pecus
” Superque tergo? quin mihi, quin alteri?
” Mora nulla, porcum deripit. Frater bone,
(Franciscus infit ore leniusculo)
” Stuporis huius desine. Anne mira res,

„ Si det vehiculum dulce bestia bestiæ?
 „ Si porcus humeris hunc suis porcum gerat?
 Maëste, ô beate Borgia, huius tessera
 Tam bellico/æ, tam potentis hac tui
 Tuis relictâ Posteris, victoriae,
 Hæc te tuorum Cœtui Caput dedit.

*Demon Lutheri magister discipulo suadet
 ut Missam missam faciat.*

Lib.eiusdem Lutheri de Missa, tom. 7. fol. 479.

ATRO nefastæ noctis in meridie
 Lutherus odium Cælitum, terræ pudor,
 (Sacro cucullo nondum in vrticas dato,
 Nequedum coronâ natâ in hispidum nemus)
 Dormibat altum facilè tricenos pedes.
 Miraris? altis & profundis amphoris
 Exhauriendis dimicarat pridie,
 Profunda totus, alta totus amphora.
 Dormibat, arcta nare tam graues trahens
 Retrahensque ronchos, omnis ut viciniæ
 Tecta tremebunda dicerent, Furit Africus.
 Sit venia fandi. Situla grandis ad latus
 Condormiebat dormienti; sed simul
 Condormiebat dormienti mensula
 Vicina, pleni fida custos canthari:
 Fôrs ne arma desint, queis tueri se queat
 (Si solita noctu forsan ingruat sitis)
 Venter adipatus & faburratus probè.
 Erat & propinquum, deque clavo pendulum
 Multifore buxum, vanitatis symbolon.
 Dormibat, inquam, cùm satan olli affuit.

Gena-